

FLOREAN DAL PALAZZ

— Al salte fur la Joibe —

(in fin ch'al varà flat)

Ogni doi numars 5 centesims l'un — bez subit

Si vendin là vie da l'Edicole e là dai Tabacchini in Marciaivieri, in piazza Contarene e in Borg di S. Bartolomio

REDAZION: su la fontane di piazze Contarene — AMINISTRAZION: su la fereade de Vigne

Par altri Florean al si lassará ciatà, quand che covente, in Stamparie Jacob e Colmagne.

Moral di Florean

O ricev cheste letare e la publichi tal e qual, cu la riserve di di il miò parè nel prossim numar:

Ciar Florean

Jo no ven mingo no culi a difinditi, parcè che tu no tu has bisugne des mes difesis. Dopo dutt o sai che tu podaressis meti fur bogns testimonis cuintri insinuazions o calunis, armis zà oramai senze ponte, ma che qualchidun, qualche progressist, al voress tornà a guà.

Jo o uei di nome che saress ore di intindisi, di spiegasi clar e nett ce che uelin di par sfuei libelo, como che si divertissin di clamà, i progressist de zornade, chei sfueis che disin la veretat.

Si è simpri giacobin par qualchidun, al diseve Taylerand, e par qualchidun si è simpri libelist.

La veretat e jè simpri stade amare, di no podè ingluti; tant amare che une biele zornade i umin, par liberasi di je, la butarin in un poz e la s-ciafojarin sott un grum di pieris.

Onde, domandi jò, son passas i tims che Berte filave. Uè dutt si giudiche. Dio e i umin, il pape e il re, il ministro e il deputat, il banchir e il professor, il Zudis e l'imputat, il zornalist e l'artist; dutt e dugg. Nuje s-ciampe a la critiche che jè la carateristiche dal nestri timp.

Qualunque par poc, o pe posizion o par lis sos oparis, che al sei in viste dal publich, al devi rassegnassi di jessi indagat, discutut, giudicat.

E no val il di: giudicait l'omp publich e lassait sta l'omp privat.

Chesg doi caratars in une persone sole no si puedin dividi, tajà matematicamenti e di a un: tu tu saras brav, avidut, probò, galantomp, leal te publiche ciosse, e a chell altri: tu tu saras s-ciavezzecuel, vizios, bausar, trist, birbant in te vite private.

L'omp al è chell che la nature lu ha fatt.

Jo no deventi tant matt pai proverbios; par altri on sai un che al mi par che al disi une gran veretat: *l'omp si giudiche da lis sos azions*. Duncè, alore, pareè a ches judizi voleso cioli l'element esenzial che son lis azions privadis?

E dopo dutt no si giudichial forsi la vite private quand pe prime volte un si racomande o al ven racomandat a lis carichis publichis?

In non di Dio, isal o no isal ver che voaltris e puartais Tizio a conseil dal Comun e de provinzie, o deputat, parcè che e saves che al è brav, intelligent, studios, di costums leai e onesg?

E cheste no ise dute cognossinse che ven dal exam de vite private?

Naturalmentri, la veretat e jè par so nature distruttorie. E al è qualchidun che si spavente di viodi distrute une fame, une riputazion, come che foss une istituzion. Parcè distrusi? e domandin chei tai; o no saves che a distrusi si sa dula che si scomenze, e no si sa nuje dula che si va a fini?

Amen; ma i tims e son favorevui a lis distruzioni,.... e ance a lis ricostruzioni! Al è masse timp che la sozietat

e adore dai idui fals, des nulitas spaz-zadis come cimis di scienze; bisugne une volte par simpri meti ognun a so puest, fa larg a dutis lis ativitas, par che no sein plui a lung calpestadis e oprimudis da une sole e prepotent inerzie!

Jù dugg chei che cuviarzin ufizis publichs e che no meritin il puest che occupin; jù dugg chei che han scrocade la inordine di dots e sapiens e no son che balons sglonfs di ajar fetid. Largo a cui che veramentri al lavoro, a cui che veramentri sa.

Deputas, conseirs comunai e provinciali, amistrators di publichs istitut, dugg chei che in un mud o in chell altri e influiscin su la sorte dei produttori e no son altri che consumatori, o che produsin anco lor une volte, o se no che vadin pai trois!

Chest al è l'avignì!

Eco la mission di une stampe veramentri oneste e independent.

Mission dure, difizil, e ne la qual, pur trop, si ris-ce qualchi volte di colpi cui che forsi al ha manco colpe o nuje afat; ma che, esercitade nobilmentri, e dà il dirit di jessi superbos de proprie opare.

Il marz de nestre sozietat al è grandissim, e a tociàlu al è di sporcìa sè stess e i altris. Ma, par ches, vinò di jessi libellis e disonesg?

Disonesg?... Isal qualchidun che al pue di di venus dat (no ufart, dat) bez, par fanus scrivi o taze? Che al si mostri e che al feveli.

Disonesg?... E ise oneste che stampe, che uè e puarte al cil Depretis, e doman lu insulte e lu clame degn di infinit disprez e dopo e torne a metisi sott lis sos bandieris par dopo tornalu a maltrata?

Ise oneste che stampe che uè e sosten une amministrazione local e la raccomande ai eletors e apene chei umin e son sintas in Comune, ju combat cun dutis lis armis e in dutis lis questions, salvo, poc dopo, di raccomandaju, come tantis perlis, di gnuy ai eletors?

Ise oneste che stampe, in fons conservatrice e reazionarie, che si viest a liberal e democratiche, e no difind la cause da l'operajo, e lavoro simpri di

intrighs, di manegios, di bausis, di sotterfugios, di slealtat cun amis e nemis, continue scuele di demoralizzazion e di nissune fede?

Ise oneste che stampe?

E di front a tant ledan des classis cussi detis dirigens, in une peraule di chei che uè comandin, il popul che al sfadie e al lavoro, che al assist ai ruffanez di ciarts politicons, di un sold a la dozene, e al viod lis contradizions, lis bausis, i pentimens calcolas e il barcemenassi continuo dal lor interes, il popul, o diis jo, no hal di jessi nauseat di chesg tai che uelin metisi mestris di moral publiche e private, e no hal di voltasi anzios e plen di speranze viars di cui che i fevele un lengaz rozo anco, ma selet, sincer, un lengaz che lui al sint e al capis, parçe che al rispuind a la vos de la so anime?

O fariseos, o marciadans di peraulis e di frasis, lassait sta i sfuei libelisc e no stait vigal fur cun ches nainis! O paladins da l'onestat, no stai a scimiotà Don Chisciotte che al leve cuntri i mulins a vint, no stait a butà jù puartis spalancadis, no stait a copà umin muars.

Meteit vie la uestre sante indegnazion, il uestri pudich disprezz, e vignit jù da l'olimp de nestre moral, se Dio us permet.

E cumò, zujadors di dugg i zughs, scritors che meteis il caratar al marciat dai fons segres, cumò fait un brev esam di che ciosse che si clame coscienza. E diit se voaltris e podes rinfazià a qualchidun qualchi ciosse; diit, se ves il coragio, che seis onesg e galanzumin; diit se voaltris e podes vanta nobile vite, severs propositis, e promessis di umin serios.

Scuse, ciar Florean, de fete che ti hai date, ma o vevi propit bisugne di sfogami, parçe che al jere un piezz che che la tignivi d'entri di me.

Uelimi ben e erodimi simpri

il to bon ami e compagn

Venturin.

Chell che Florean al sint senze olè

Dialogo fra Tite Lung e Zuan Frusin

— Si par die, ciar Zuan, che la han ciatade fur bieie chei da la Cumission pal monument a Garibaldi.

— Che jè?

— Tu sas che mancìn plui di dis mil francs par podè fa il monument, e al par che vevin poce fiducie di faju su. E han di dà dai spetacl par chest cont e fra i altris e han di fa recità dugg i siors da Udin.

— Eh il diaul! E ce comedie che ha di jessi che, cun tang personagios!

— No tu mi has capit o che jo no mi soi spiegat ben. E han di representà une comedie dula che han di fa la part nome siors.

— Ben e ce naine ise cheste? Crodino par chest che i bez i capitin a baluc? No sin mingo. no noaltris a Milan o a Turin dula che s'impipin di spindi dis francs su la puarte e dis francs pe ciadree! Cull prime di spindi un franc i pensin ben dos voltis, e dopo pensat al è fazil che, invece di tiralu fur, lu tegnìn in te sachete. Ise cussì?

— O hai paure di sì. E po dopo dula ise dute oheste emanie par fa su chesg bez, mentri che pal monument di Vitorio no son stas bogus di fa plui di vincedoi mil francs? Mi par a mi che dovevin completa chel monument di Vitorio che al ha un clap di base senze nuje, nud afat, e nance no i han mitut lis epigrafis. Si dovevè fa tant par Vitorio come par Garibaldi, e no ve tang furors cumò mentri che prime si ha fate une vere pitocarie.

— Cui sa ce che crodin di vè a Udin parcè che han il re a ciavall!

— Ma quand che si diis che cull no han mai di fant une di justè!

— Come che no mi plas l'idee di chell stuei che al voress che il lavor dal monument di Garibaldi al fos dat al tal scultor parcè che adotand il so proget lui al lavorares par poc e par nuje.

— E jè vere, e no mi plas nance a mi, parcè che dopo dutt chell scultor nol ha bisugne di fassi un non in te art, che lu' ha zà.

— E po che lassin che i artig che han di lavorà e guadagnin di vivi par die! Ce isal chesl lavorà gratis in chesg agns di pos lavors e di miserie? Quand che ven fur qualche buride, che jè rare come lis mos-cis blancs, si ha di viodile puartade yie da cui che nol ha bisugne e che la fas par nuje! Po cemud hano di fa alorè i artig che han bisugne? Hano di vivi di glorie?

— Al è chell che o diis ance jo. E mi par che saress ore che a Udin i siors e vessin di judà i operajos e i artig cul dai ai citadins i lavors, parcè che ca si sa fa come fur e ance mior se va ben.

— Tu has reson, vedarin come che larà. In-tant o ti saludi.

— A riviodisi.

Florean in borg di Viole

Eco la traduzion de letare di che siorute che us fevelavi Joibe stade:

Florean dal mid cur!

Forsit che la Maghe di borg di Viole no existi plui, opur che no lavori, parcè che Florean al tas, nol viod ce che al suced, e al lasse che il mond al vadi come che al ul.

Cussì o pensavi tra di me, savind che invece la Maghe e jè vive e sane e torne a ciapà flat tal lavor.

Dunce, ciar Florean, o ti svearai jo par diti che in chesg diis e jè stade la vie de Maghe une mulinarie e i ha puartat la flor de farine di forment, sicur par che fasi i macaronis chestis fiestis.

No ocor che ti diis che contadins e borghesans e tornin a cori su e ju par consultà la Maghe in tes lor oiossis, bidis e brutis, buinis e ciativis.

E no baste la scarpe gruesse che torni a bati a la puarte de Maghe, ma ance int in veladon e in capelin e domande di jè e va in ciase e torne vie contente come une pasche.

Figuriti che zà seris e jerin dos siorutis, zovinis, ben vistudis e in capelin che spassizavin su e jù, ma no si fidavin mai di là dentri Ciale di cà, ciale di là, finalmentri, quand che ordevin di jessi sicuris che nissun lis vedeve, e han ciapade la puarte de Maghe e vie dentri come dos saetis.

Tu pus nome crodi se cumò la buteghe no torne a rindi ben e no mal. Si sa che ancemò no si torne a ciapà setante franchs in di come une volte, ma par altri e rivarla prest a che some se no plui.

Diambar! Si trate nujemanco che par un semplis magnetismo, opur par induvinà qualche stupidagine i uelin quatri francs, e se al è un cèntesin di manco no si fas nuje. E sasta cemud che si fas a induvinà? Tal dirai jo.

La massarie e ricev la int che ven a bas. In-tant e scomenze a tirai su i passaraz, e diis che la parone e jè impidee par un moment. Dopo un poc a la volte e fas ciacà il merlo o la merle sul motiv de visite, sul parcè e sul parcè fin che il merlo o la merle e squacare dutt il pur da l'impur.

La parone stant disore, cul miezz di une bu-chete e sint dute la naine da la prime paraule sin l'ultime e quand che il merlo o la merle o van disore pal consult e par l'indovin, la Maghe e da lis rispuestis e fas ance lis domandis daur chell che ha sintut pe buchete.

E di che han di jessi ancemò tant stupis in chest mond di crodi e di spindi bez par chestis

Chell che Florean al sint senze olè

Dialogo fra Tite Lung e Zuan Frusin

— Si par die, ciar Zuan, che la han ciatade fur bieles chei da la Cumission pal monument a Garibaldi.

— Che jè?

— Tu sas che mancìn plui di dis mil francs par podè fa il monument, e al par che vevin poce fiducie di faju su. E han di dà dai spetacl par chest cont e fra i altris e han di fa recità dugg i siors da Udin.

— Eh il diaul! E ce comedie che ha di jessi che, cun tang personagios!

— No tu mi has capit o che jo no mi soi spiegat ben. E han di representà une comedie dula che han di fa la part nome siors.

— Ben e ce naine ise cheste? Crodino par chest che i bez i capitin a baluc? No sin mingo. no noaltris a Milan o a Turin dula che s'impipin di spindi dis francs su la puarte e dis francs pe ciadree! Cull prime di spindi un franc i pensin ben dos voltis, e dopo pensat al è fazil che, invece di tiralu fur, lu tegnìn in te sachete. Ise cussì?

— O hai paure di sì. E po dopo dula ise dute oheste emanie par fa su chesg bez, mentri che pal monument di Vitorio no son stas bogus di fa plui di vincedoi mil francs? Mi par a mi che dovevin completa chel monument di Vitorio che al ha un clap di base senze nuje, nud afat, e nance no i han mitut lis epigrafis. Si dovevè fa tant par Vitorio come par Garibaldi, e no ve tang furors cumò mentri che prime si ha fate une vere pitocarie.

— Cui sa ce che crodin di vè a Udin perchè che han il re a ciavall!

— Ma quand che si diis che cull no han mai di fant une di justè!

— Come che no mi plas l'idee di chell stuei che al voress che il lavor dal monument di Garibaldi al fos dat al tal scultor perchè che adottand il so proget lui al lavorares par poc e par nuje.

— E jè vere, e no mi plas nance a mi, perchè che dopo dutt chell scultor nol ha bisugne di fassi un non in te art, che lu' ha zà.

— E po che lassin che i artisc che han di lavorà e guadagnin di vivi par die! Ce isal chesl lavorà gratis in chesg agns di pos lavors e di miserie? Quand che ven fur qualche buride, che jè rare come lis mos-cis blancs, si ha di viodile puartade yie da cui che nol ha bisugne e che la fas par nuje! Po cemud hano di fa alorè i artisc che han bisugne? Hano di vivi di glorie?

— Al è chell che o diis ance jo. E mi par che saress ore che a Udin i siors e vessin di judà i operajos e i artisc cul dai ai citadins i lavors, perchè che ca si sa fa come fur e ance mior se va ben.

— Tu has reson, vedarin come che larà. In-tant o ti saludi.

— A riviodisi.

Florean in borg di Viole

Eco la traduzion de letare di che siorute che us fevelavi Joibe stade:

Florean dal mid cur!

Forsit che la Maghe di borg di Viole no existi plui, opur che no lavori, perchè che Florean al tas, nol viod ce che al succed, e al lasse che il mond al vadi come che al ul.

Cussì o pensavi tra di me, savind che invece la Maghe e jè vive e sane e torne a ciapà flat tal lavor.

Dunce, ciar Florean, o ti svearai jo par diti che in chesg diis e jè stade la vie de Maghe une mulinarie e i ha puartat la flor de farine di forment, sicur par che fasi i macaronis chestis fiestis.

No ocor che ti diis che contadins e borghesans e tornin a cori su e ju par consultà la Maghe in tes lor oiossis, bidis e brutis, buinis e ciativis.

E no baste la scarpe gruesse che torni a bati a la puarte de Maghe, ma ance int in veladon e in capelin e domande di jè e va in ciase e torne vie contente come une pasche.

Figuriti che zà seris e jerin dos siorutis, zovinis, ben vistudis e in capelin che spassizavin su e jù, ma no si fidavin mai di là dentri Ciale di cà, ciale di là, finalmentri, quand che ordevin di jessi sicuris che nissun lis vedeve, e han ciapade la puarte de Maghe e vie dentri come dos saetis.

Tu pus nome crodi se cumò la buteghe no torne a rindi ben e no mal. Si sa che ancemò no si torne a ciapà setante franchs in di come une volte, ma par altri e rivarla prest a che some se no plui.

Diambar! Si trate nujemanco che par un semplis magnetismo, opur par induvinà qualche stupidagine i uelin quatri francs, e se al è un cèntesin di manco no si fas nuje. E sasta cemud che si fas a induvinà? Tal dirai jo.

La massarie e ricev la int che ven a bas. In-tant e scomenze a tirai su i passaraz, e diis che la parone e jè impiede par un moment. Dopo un poc a la volte e fas ciacà il merlo o la merle sul motiv de visite, sul paroc e sul paroc fin che il merlo o la merle e squacare dutt il pur da l'impur.

La parone stant disore, cul miezz di une bu-chete e sint dute la naine da la prime paraule sin l'ultime e quand che il merlo o la merle o van disore pal consult e par l'indovin, la Maghe e da lis rispuestis e fas ance lis domandis daur chell che ha sintut pe buchete.

E di che han di jessi ancemò tant stupis in chest mond di crodi e di spindi bez par chestis